

金堂縣志

金堂縣志卷二 土地部中

疆域志

界至

鄉鎮 併第宅

津梁 併隄

風俗 併禮俗時序

金堂之境雖橢而侷然在西魏以迄唐宋皆分兩縣於西魏則金淵得漢晉之牛鞞縣地三之一白牟得漢晉之新都縣地三之一於唐宋則金水得隋之金淵縣地五之三

金堂縣志

卷二 疆域

一

金堂得隋之雒縣地十之二新都縣地十之二疆域未嘗不界至等齊也惟元明併而合之於是始稱遼闊矣而上以受西川八邑之水下以達東川四郡之道前賢所載如石城三學諸山金臺明月諸峽其勝蹟遺踪具在不可謂非鉅縣也茲特爲之奠其經界綜其周闔在邑在野度地居民之制星緯野列咸著於篇俾辨方正位者知所挈範焉而風俗所別時序所殊雖接壤於隣封或分情於比屋故疇謠里諺亦具采之以俟夫乘輶軒者作疆域志

界至

金堂縣地本併兩縣而爲一者也故縣境橢而瓜廣輪無準數以約畧計之廣才極於六十餘里袤且及二百四十里通志僅以方隅步之謂東西距六十五里南北距六十里失其詳矣按其輿圖準其形勢庶後之人不至執冊而隘其幅員也

縣治在成都府東北距

京師五千六百五十里距省城八十里

東至潼川府中江縣界七十里

西至新都縣界二十五里

金堂縣志

卷二 疆域

二

南至簡州及潼川府樂至中江二縣界二百三十里

北至漢州界十五里

東南至潼川府樂至縣界二百二十里

西南至新都華陽兩縣界二十五里

東北至潼川府中江縣界五十里

西北至漢州新都縣界二十里

鄉鎮

宋時金水縣十三鄉六鎮金堂縣十五鄉四鎮共二十八鄉十鎮元明無考自明末兵燹蹂躪荒廢失傳遺佚盡矣

我

國朝平定之初土著無幾招徙來居者皆湖廣江西廣東福建之民間有流亡而返者大都知此而不知彼也於是暫就方隅分爲八鄉以縣治之前後左右爲上四鄉以懷口鎮之前後左右爲下四鄉其後乃分立各甲但甲有一二三四九十而無五六七八者或本前明之舊章就土著所知而存之耳雍正中廢斜潭馬廐地添置恩五甲乾隆中因上四鄉土闢戶增遂剖各甲之半爲新甲謂原甲曰老甲至今相仍凡十一甲後又分爲三路鎮則初惟趙家

金堂縣志

卷二 疆域

三

白果廖家同興四場今則已有十六矣民物之盛風俗之繁於此亦可概見也

上四鄉從縣治分

治東曰萬安鄉甲曰老二甲後分新二甲有鎮二曰官倉場曰三江鎮俗名趙家渡俱去城三十里

治西曰上元鄉甲曰老一甲後分新一甲有鎮二曰青龍場俗名康家渡去城十五里曰興隆場俗名姚家渡去城十里

治南曰鶴鳴鄉甲曰老三甲後分新三甲添恩五甲有口

一曰廖家場去城三十里

治北曰甘泉鄉甲曰老四甲後分新四甲

下四鄉從懷口鎮分

鎮東曰崇德鄉甲分十甲之半有鎮四曰竹篙寺場去城一百五十里曰廣興場俗名廣元寺去城一百八十里曰土橋溝場去城二百二十里曰新橋場去城二百一十里鎮西曰大渡鄉甲分九甲之半有鎮五曰同興場曰懷口鎮俱去城八十里曰白果場去城九十里曰麻柳場曰高板橋場俗名唐家場俱去城一百一十里

金堂縣志

卷二 疆域

四

鎮南曰長樂鄉甲分九甲之半有鎮一曰趙家場去城七十里

鎮北曰永福鄉甲分十甲之半有鎮一曰五鳳溪場去城一百里

三路分界

自瓦窰灘至趙家渡水路自趙家渡至中江縣界陸路北岸皆爲西北路

自趙家渡至簡州界水路左岸爲東路右岸爲南路

附歷代故鎮

金堂鎮卽今舊城址蓋以縣爲市今廢  
眞多鎮今無考

古城鎮卽今縣治因西魏置白牟縣於此故名

牟池鎮在治南牟池塔山下今廢以上四鎮九域志屬  
金堂縣

唐化鎮今無考按王象之蜀地碑目記云漢張子陽墓  
在唐化鎮沿江五里許則亦當在河岸也

三州鎮在治南古佛洞三州山下今廢

常樂鎮在常樂鄉今廢

金堂縣志

卷二 疆域

五

白芳鎮在治南淨因寺側今廢

三節鎮今無考

柏茂鎮在治南柏茂山下今廢以上六鎮九域志屬金  
水縣方輿勝覽云懷安軍縣二而鎮九以縣而言金堂  
爲大以鎮而言古城爲富諺謂軍不如縣縣不如鎮云  
鎮九者不數金堂縣治也

黃家場在治東南懷口鎮下

張家場在治東桐子園上

何家場在治東桐子園下

中興場在治東糴糖店

龔家場在治東馮家寺

蹇家場在治南牟池塔山後卽宋牟池鎮

下市鎮在治南古佛洞側卽宋三州鎮

范家場在治西黃家灘南以上俱明舊鎮今皆廢

第宅 漢隱士段翳故宅 在舊城址通志云卽今天慶

觀有段隱君李真人二像舊碑字畫磨滅不可辨按天慶觀今爲東岳廟通志亦本輿地碑目非其時觀像猶存也

吾鼎叅日記

金堂縣志

卷二 疆域

六

元和郡國志金水縣卽漢處士段翳宅然華陽國志載其告大渡津口曰某日當有二人問翳舍處幸爲告之則故宅當爲今舊城址之金堂不當爲懷口鎮之金水矣寰宇記於金堂金水簡州並載尤爲無稽

梁右將軍張僧繇故宅 在雲頂寺右

吾鼎叅日記

雲頂山寺右關帝廟前有洗墨池俗訛爲洗馬池乃梁天監中右將軍張僧繇之瑩碧池也見蜀志補罅一名神泉寰宇記雲頂山有神泉方丈澄清如照卽此按宣

和畫譜張僧繇吳人以丹青馳譽於時世謂僧繇畫骨氣奇偉規模宏遠六法精備當與顧陸並馳爭先談賓錄晉以來顧長康張僧繇陸探微所畫通神爲畫家三祖名畫記張懷瓘云象人之美張得其肉陸得其骨顧得其神神妙無方以顧爲最喻之書則顧陸比之鍾張僧繇比之逸少其技藝之精可知今人但知僧繇爲吳人不知其初本家金堂後乃挾其伎而流寓於吳也

宋處士黃才叔故宅 在香林寺側其左有清流一泓涓涓不絕汲以烹茗甘香異常卽當年處士所濬之南山泉

金堂縣志

卷二 疆域

七

也康熙中僧斌彥掘土得萬花堂石碣乃其遺蹟後爲老龍院今又改香林寺世遂鮮有知者

春日過黃才叔故居

邑庠生 陳達綱 扶三

一庭松影約藤花記取當年處士家回首夕陽修竹外  
且攜泉水瀹新茶

一灣流水一村田縷縷林端出晚烟眞箇世情渾不到  
我來猶是晚春天

宋助教黃敏故宅 玉海云祥符五年以懷安軍鹿鳴山人黃敏爲本軍助教鹿鳴山今無考



沈氏竹園 見宋陸放翁詩今無考

自漢州之金堂過沈氏竹園小憩坐間微雨

宋 陸 游  
放翁

脩脩萬竹壓康莊碧玉椽圍一丈強雪節烟梢誰解賞  
馬蹏車轍可憐忙帽邊忽墮吹香句肘後舊傳醫俗方  
更覺清遊天所惜坐來飛雨度橫塘

雨零堂 名勝志晁公武作雨零堂記云堂依雲麓而中  
江縈之氣象葱鬱巖壑洲渚之美映帶左右矣則堂基似  
在雲頂山今無考

金堂縣志

卷二 疆域

八

金雁莊 明洪武中以三學雲頂及走馬灘賜蜀藩爲金  
雁莊山下有隆慶元年碑記

春游故蜀府金雁莊

邑庠 楊 澍  
逸青

蜂來蝶往曉風時滿眼芳菲引步遲酒後懷人經廢苑  
社前祈穀賽叢祠桃花雨細紅勻頰柳葉烟濃翠鎖眉  
若問春情長短處游絲百丈裊高枝

金線莊 在治南馮氏廟明蜀府儀賓馮時美故莊

金線莊晚眺

邑舉 陳一泐

夕陽起萬山天未奇雲布看山不能□青□不能賦□

風何處來又過綠楊渡吹起一輪月茫茫隔烟霧

清明日游金線莊

邑庠 陳順玠

多爲韶華困酒城年來無復理詩盟今朝莫漫畱春住  
且向落花深處行

茶花園 在治北二里莫詳其始水流縈曲林木陰翳中  
多冢墓每屆清明士女雜遯其間亦游賞勝地也

偕余有章楊逸青茶花園晚步

邑庠 陳一津

茶花園中芳草稀茶花園外寒鴉歸蒼烟滿地雲不飛  
我心如鶴不可住明月照人且歸去黃葉黃花城東路

金堂縣志

卷二 疆域

九

清明遊茶花園

邑庠 陳順玠

荒園無主物華新日暖田家賽社神送客乍來青草地  
尋芳又逐軟紅塵春風得意花如雪烟柳多情鳥喚人  
回首可憐城北路涼雲一段隔江濱

游茶花園

邑人 何茹連

出門才隔輓紅塵好景王維畫未真縛竹編橋三徑路  
野花如繡草如茵  
尋芳不惜路迢迢柳港花灣處處邀十日東風太輕薄  
桃花紅破半江潮

芊眠陌上雨初收到處紅香盡日畱蝶往蜂來口不了  
看他先上美人頭

前題

邑人 陳心元

羊腸曲徑繞柴門楚楚林均第一村亭午記從花裏過  
餘香畱到月黃昏

茶花園踏青

邑人 傅世維

輕寒約住水邊村買得隣家酒一尊細雨空濛才子淚  
飛花零落美人魂啼鶻有恨尋孤冢紫燕多情認舊門  
爲語同游應共醉莫教芳草怨黃昏

金堂縣志

卷二 疆域

十

明尙書杜銘故里 在治南杜家橋礫礎基址猶存

過杜尙書故里

龍泰源

綠樹濃陰藹畫隄尙書門巷舊城西朱簾繡戶山光入  
妙舞清歌月影低十里鶯花仍昨日千家水竹又前溪  
何當立馬橋頭望細柳新蒲一道齊

明御史李佶故宅 在治北學宮右進士坊猶存

明御史敖選故宅 在治西瘟祖廟左嬌鳳連鳴坊猶存

暮春過敖氏故宅

邑人 楊 泳

舊院臺空賸短牆杜鵑聲老柳絲長春風尙有故人思

翡翠樓邊花自香

經敖氏故居

邑人 王文嘉

堂堂舊闕古城西路繞荒苔樹繞溪門第已看零落盡  
夕陽惟照暮鴉曉

小橋流水亂飛花零落殘紅幾樹斜自去自來雙燕子  
春風還入故人家

頽垣圯宇不勝悲盛事何堪憶往時祇有溪南桃李月  
黃昏依舊上高枝

迎賓館 在城隍廟內通志載金堂舊有迎賓館今廢嘉

金堂縣志

卷二 疆域

十一

慶十二年知縣謝惟傑重修

垂蔭亭 在迎賓館後嘉慶十五年知縣謝惟傑建川東  
道嚴士鉉題額並聯語

垂蔭亭卽事

邑人 李廷梁

殘杯未盡日將斜倚檻寒生醉意賒何處惱人新燕子  
喚回春夢入鄰家

行人張吾瑾宅 在治東城隍廟後有鵲符堂

翰林高辰宅 在治北穿城堰有樹畊堂

題高白雲先生樹畊堂詩卷

綿州 翰林 李調元 雨村

正始久微缺騷人起哀怨我蜀揚馬流卓爲風雅冠青  
蓮映千春眉山極萬變繼自虞楊還漸失古文憲大江  
日東之岷山自天半秀色倘不磨定有人餐嚙吾師起  
起金堂雄才近罕見早歲屬承明氣壓金閨彥秋旻羅  
象星萬彙赴烹鍊道大識者希遂使譏鵬鷄錦江開石  
室賤子侍講案獨使登後堂投經喜肉串竊從刪述餘  
頗許參也貫邇來事鞅掌顛髮嗟已半風塵疲繭絲筆  
力愈適健仍復還冰廳時聞盈耳亂夜闌猶擊鉢旁及  
絲竹按大雅接古音誰謂前賢遠反覆味太羹吁嗟莫

金堂縣志

卷二 疆域

十二

能贊

進士黃景宅 在治西五賢坊

進士陳鈞宅 在治南牟池塔右

半畝園 張晉生別墅在宅左

寓張菊垞半畝園卽事

威信公

岳鍾琪

獨坐雨聲中開窻曲徑通遙觀深樹外雲抱兩三峯

綠繞山莊 威信公岳鍾琪別墅在治東松秀山後爲季  
弟鍾珩宅

閒居綠繞山莊

岳鍾琪

林泉清興尙依然  
退食還尋水竹邊  
博得浮王間半日  
持竿仍上釣魚船

丹鳳銜書下  
九重閒情猶戀水  
雲中自憐鬚鬢蕭蕭

白愧想當年  
矍鑠翁

時奉金川旨  
征勦

綠繞山莊襍詠

府學庠生 岳澍 松莊

渺渺秋江村復村  
晴雲薄霧望中分  
閒居江畔無人至  
散步山頭踏野雲

白雲山莊 高辰別墅在宅右

懷高白雲

邑貢生 李茂昭 素山

金堂縣志

卷二 疆域

十三

攜手丹楓送別鞍  
江村歸去一魚竿  
了無桑落稱狂飲  
祇有芙蓉帶淚看  
遠水浮鷗一點白  
近林蒼葉數枝丹  
烟波回首君應見  
傍柳倚橋釣碧灘

兩歲重陽度寂寥  
秋風吹月夜蕭蕭  
拉君使酒令難犯  
捉我彈碁子不饒  
林月晚隨楓落徑  
溪烟低渡柳遮橋  
分明握手如他日  
酒醒更闌一夢遙

寒燈無焰月無光  
靜夜跣趺思緒長  
溪水隔林聲八耳  
河星射牖露霑裳  
同林白鶴分思切  
共水潛魚別恨涼  
北海南州非易聚  
精誠托夢尙同堂

記得村橋話晚烟  
條條情緒柳絲綿  
王裴但願長攜手  
杜李何曾數拍肩  
三島路歸班  
玉笋八花磚  
影臥神仙  
天邊遙望秦雲隔  
萬里懷人聽雁傳

前題

黃雞白酒霜天暮  
秋風吹斷雁無數  
離悲別手憶他年  
畱我獨在秋江住  
秋江風雨苦淒涼  
白雲作伴竹作鄉  
竹樓唸罷弦聲歇  
蜀江返照入空梁

晚春白雲山莊漫興

邑翰 高 辰  
林 白雲

幾處飛花幾處塵  
高低芳草綠如茵  
溪邊楊柳千層霧

金堂縣志

卷二 疆域

十四

屋角醱醱一架雲  
三月閒愁渾似水  
十分春色爛於銀  
暖風醉我斟醽醁  
細雨村歸欲墊巾  
燕殘鶯老不堪尋  
麗日頻移滿徑隆  
蕙葉香分才子佩  
桃花豔墮美人簪  
揮杯漫學搯頤態  
攬鏡還思擁鼻吟  
我有風懷都未遣  
怕粘蝶粉上衝襟

臥壑窩 處士李英宅在治東金堂山下

題李子敏臥壑窩

李茂昭 素山

胸中自有滄洲趣  
何必蓬萊頂上行  
峭壁嶽岑手底出  
飛龍雲氣筆端生  
四時花草開多客  
滿架琴書聽鶴音

臥壑窩中牀好睡捲簾身在數峯青

癸丑初春讌李子敏西園

漢州舉人張邦伸 雲谷

我行海螺河風景似盤谷羣山自北來諸水爭東逐相  
將匯吹門佳氣蒼渟蓄在昔鴻老人於此結茅屋經今  
已百年四世欣聚族敏公中隱儔性復好絲竹其弟美  
丰標眉宇擅清淑昨日開壽筵登堂效稱祝牙籤列錦  
屏金尊照瓊瑤導我入西園一徑繚而曲疊石爲小山  
蜿蜒自起伏數折達雲亭八窻通海昱亭外橫彫檻遶  
砌種花木好友四五人坐對怡心目移時進盤餐嘉餚

金堂縣志

卷二 疆域

十五

雜野藪談笑傾醪醕脫畧去邊幅有客揚清歌斷續間  
箏筑彷彿聞仙韶一洗胸中俗憶君去年春顧我犀江  
隩薄暮掛迴颿苦閨不一宿從茲隔嶺雲不復攀香轂  
屢訂看花期空負東籬菊今始踐前言重見春山綠人  
事冗於毛歲月疾於鏃酒闌再拜辭松風鳴謾謾

和張雲谷元韻

邑監生李英 螺溪

行藏動人欽高蹈仰雲谷各行其所爲不與世爭逐口  
理固始民歸來無所蓄兩袖攜清風圖書充棟屋相見  
溫而恭雍睦敦鄉族氣語渾如蘭虛心情同竹試藝蒙



君遺捧讀深自淑愧我鄙吝材曷敢勞稱祝美酒及豚  
肩羅列皆珍瑤無物酬嘉賓特獻下里曲檀板按歌喉  
聲音亦起伏不計拙與工聽者心自昱聊疊石爲山數  
株凡花木旋欲畱高車堪以慰心目山中無嘉餚苜蓿  
併野藪何意匆匆歸次日來錦幅展帙細哦吟雅韻似  
琴筑瑤章光奚囊興我身不俗企慕情難消還期臨荒  
隩風雨願連牀盤桓期信宿軒冕君如毛退食遠輦轂  
月夕與花晨依然多松菊有時抒興懷敲詩浮蟻綠我  
年逾六旬歲月迅如鏃今始親德教春風鳴謬謬

金堂縣志

卷二 疆域

十六

自題臥壑窩答邑令白明府

密密幽篁盤野徑蒼蒼古樹傍柴扉村頭趁市歸來晚  
雲鎖流泉隱翠微  
石路溪橋屈曲通千巖迴繞梵王宮白雲幾處迷山岫  
拄杖閒尋植杖翁

紅豆村 處士李茂昭宅在治南廖家場

紅豆村春秋十二詠

錄八  
首

李茂昭

素山

聲聲時鳥不畱停過柳穿梅正好聽風絮欲飛隨蕩漾  
江花未插莫飄零隨時遊騎穿新綠無數香車碾破青

不分春光濃似錦也來凭眺一登亭  
每逢良夜一弦琴無故痴情不自禁紅藥數苞尙婪凡  
幽蘭獨茂祇芳心常愁多事精神少偏得閒情歲月深  
獨坐空齋惟自惜曉風吹月上疎襟

雲蓋低村幾日晴烟烟雨雨到清明原因嗜酒陶真性  
豈爲耽詩博浪名一院落花紅點點幾行新柳綠輕輕  
生憎荏苒全貧過碁局中心最不平

名花不合墮村莊風韻誰收入錦囊梅杏哦成燃燭短  
藥蘭題罷引杯長寄情暫許懷紅豆抱志何時憶茂桑

金堂縣志

卷二 疆域

十七

多少壯懷未了事酒狂付與又詩狂

右春□

雲濕衣裳生薄寒蕭蕭清夜倚闌干不爭玉殿三秋近  
祇隔銀河一渡難顧我實能還趙璧教人空自夢邯鄲  
三年頓起壯遊志驛棧連雲走驥鞍

多病人慵理玉琴一聲鴻雁實難禁不堪萬里分橋句  
最苦三年別菊心淡淡迂情入世淺蒼蒼古貌染秋深  
懷人獨坐滄江晚清淚幾迴欲濕襟

半天風雨半陰晴半捲殘霞半月明日日祇愁償酒債  
年年嘗愧得詩名抬頭遠樹千楓落極目寒雲雁輕

日暮大江悲逝水滿川愁浪實難平

幾年抱璞臥雲莊祇得新詩壯錦囊不見固言彈汁柳  
猶然靈輒餓翳桑霜凋遠樹星河濶月滿危樓霄漢長  
採菊東籬誰酌我近來詩學次公狂

右秋咏

和李素山紅豆村春秋十二詠

高辰白雲

人立東風意已醺笑人鄧禹幾酬勳綠楊又向樓頭見  
紅杏空傳海內聞乳燕有聲驚午夢殘花無語寄朝雲  
天涯不少傷春客爲道相思瘦幾分

畫舫蘭橈去不停一聲小海幾人聽迎風桃葉情空寄

金堂縣志

卷二 疆域

十八

帶雨梨花淚已零錦里烟飛野水碧峨眉黛抹遠山青  
白頭吟罷文君老載酒斜陽上古亭

幾日東皇轉嫩寒風光旖旎到闌干探梅舊說驚春早  
折柳誰歌行路難十五吳姬開玳瑁三千趙女屬邯鄲  
可憐芳草年年綠又送王孫七寶鞍

孤亭獨坐夜彈琴移我芳情自不禁幾箇鸞皇求鳳侶  
一雙蛺蝶舞花心詩傳南國才稱雋句憶西園恨倍深  
苦爲畱春春不住相逢應共淚沾襟

芍葯江皋弄晚晴踏青隊裏過清明枝頭杜宇催行客

葉底倉庚喚小名■ ■已堆衰草細遊絲欲買鬢雲輕  
韶光如此真堪賞剩有離情訴不平

驂騑幾日驟康莊收拾紅雲入古囊三省江花春夢在  
卅年潘鬢月情長踏歌舊解郎君珮織錦新憐帝女桑  
寄語東君好將護風流漫擬不狂狂

右春咏

白衣送酒幾曾醺半爲悲秋愧立勳木葉蕭蕭空際下  
江流滾滾靜時聞美人香草情如海明月稀星淡似雲  
莫說蒼涼無賴甚知誰領畧兩三分

浩浩西風樹不停金戈鐵馬坐中聽三千石燕翎方鬥

金堂縣志

卷二

疆域

十九

十萬犀軍甲早零露染丹林生野燒雲開碧海見遙青  
歌賡汾水千秋事空上蘭橈賦畫亭

玉露沾裳薄薄寒斜陽人倚淚闌干黃花句好成名易  
紅雨歌清入夢難學道不成叅水月封侯豈盡屬邯鄲  
輸他走馬秋原上年少翩翩壓錦鞍

月冷西樓理玉琴茫茫百感思難禁多時瀛海春明路  
一夕空山秋水心窻隙風來燈閃閃檐頭雨過夜深深  
霜娥剩欲憐同調宋玉年來淚滿襟

丹楓江上雨初晴空水澄鮮一鏡明雁向衡陽畱過影

人從銀漢誤浮名  
帆沽酒青帘小  
獨立看雲白  
袷輕好是橙黃與橘綠  
驅愁不去竟難平

衛公豪興寄泉莊  
長吉新詩付錦囊  
九日參軍吹帽落  
十年開府恨鞭長  
英雄眞愛唐裴郭  
權術終嗤漢孔桑  
我亦秋風鷹隼客  
時人短我是疎狂

右秋咏

### 津梁

津渡十有六皆通衢  
要道不可少者鄉村  
小渡茲不備載  
黃家渡在治西二十里  
黃家灘  
康家渡在治西十五里  
青龍場有上下兩渡

### 金堂縣志

#### 卷二 疆域

二十

東方渡在治西六里  
東方堰

呂家渡在治南八里  
呂家灘

姚家渡在治南九里  
興龍場

斜潭渡在治南十里  
冠紫山下明崇禎時  
烈女李氏遇鄢寇  
投水死於此

### 斜潭垂釣

邑貢生 巫珍儒 泰巖

老去渾無事  
垂竿水面斜  
愛閒來古岸  
隨意立平沙  
淡白藏蘆絮  
疎紅坐蓼花  
行看夕陽下  
猶待晚烟遮

### 斜潭閒步

邑人 巫仟 華仟

滿目多秋色寒江更晚風雲依蘆岸白霞映蓼汀紅雁  
陣誰曾賦鷗盟我未工扁舟無繫著羨煞老漁翁

上巳游斜潭

邑庠生 楊澍 逸青

結伴尋遺蹟春陰忽又遮路香花滿地溪淺浪浮沙白  
版知魚舫青帘認酒家囊空莫須惜乘興是生涯

斜潭泛舟

去去水中央輕衫泛野航櫓聲吟歛乃岸影走微茫宿  
鷺窺魚起閒鷗避客忙篷窗斜倚處林缺有殘陽

斜潭行弔李烈女

邑庠生 陳一津 卯生

金堂縣志

卷二 疆域

二十一

崇禎十載闖賊過三十六城同一禍李家女兒年十餘  
有母無夫空長大側聞隣婦都逃兵隨母悄向江干坐  
玉客誤我孃去來他人真強兒何悞罐子山高不易埋  
斜潭水靜不能涸太平犬得高臥離亂人總無奈百口  
散亡籬寨破天地荒荒存一个

趙家渡占名大渡又名韓灘在治東三十里三江鎮沱湔  
雒三水會

秋日舟發趙家渡卽事

邑翰林 高辰白雲

蘆荻秋風玉露寒扁舟偶繫到江干輕搖碧浪穿深峽

穩送青雲過急灘沙岸遙崩驚走馬瀑泉高掛隱飛鸞  
不須萬里樓船月已趁滄浪捉釣竿

沈沈暮影認秋山燈火疏林又一灣江上黃魚供晚食  
杯中綠蟻發春顏雲迷石閣千峯冷月照平沙一雁還  
況值孤舟愁夜兩蒹葭楊柳共誰攀

過趙家渡

巫珍儒

東風剪剪雨初收二月清江水亂流最是韓灘烟景好  
沙明葦暗宿漁舟

偕高晴峯夫子午日游韓灘

巫仟

金堂縣志

卷二 疆域

二十二

紈扇初揮淡蕩天游韁得意晝如年撩人山色維摩畫  
入句花香茂叔蓮蒲劍淬波青似黛秧針刺水碧於烟  
江心一帶垂垂柳盡樣他鄉舴艋船

春晚渡韓灘

邑庠生 巫光笈 七雲

春色滿江頭韓灘漾急流水趨金灌口人坐木蘭舟靄  
靄雲光合重重樹影浮平沙今夜月沽酒擬登樓

舟泊三江鎮

卜算子

邑人 傅世維 四齋

放棹泊韓灘好景閒消受空濛雲氣趁波流柁曳春山  
走大江東去浪淘盡英雄久歌聲一夜近孤舟舟中

人覺否

禮智渡在治東三十里趙家渡上沱湔二水會

惠濟渡在治東三十里藍家店

復興渡在治東三十里惠濟渡上湔雒二水會

金鎖渡在治東三十二里蟠龍山下舊有金鎖橋爲水所

圯乾隆初年置

西江渡在治南二十六里上龍王廟

萬安渡在治東十六里舊有萬安橋爲水所圯乾隆二年

邑庠李鳳蛟施田二十畝置

金堂縣志

卷二 疆域

二十三

雙江渡在治東二十五里火焚山下綿雒二水會

雙江謠

邑拔貢生 馮國柱 稷山

雙江水去悠悠從此不分清與濁何如各自向東流

雙江水何時休迢迢千里下渝州莫到渝州又不流

雙江曲

陳一津

雙江渡水無波浮雲陰奈晚何郎不來妾心苦年二八月三五朝行汲暮掩門郎住處隔前村郎乘舟去不返水盈盈知近遠郎在外妾相思郎薄倖妾語誰妾在家郎相憶妾薄命郎應惜雙江渡口春流合風吹桃花長



桃葉歸來顏色是芳時男歡女愛還羞澁還羞澁歡愛  
洽郎來不來早語妾

懷安渡在治東南八十里懷口鎮

名揚渡在治東南一百二十里五鳳溪

橋梁取其大而要者溪澗畧約多不勝記亦建廢無常概  
從刪汰

學端橋在學宮右接北門大街

集賢橋在學宮左奎閣下

八仙橋在南門內

金堂縣志

卷二 疆域

二十四

隆興橋俗名磨子橋在學端橋西跨洪家溝嘉慶六年里  
人陳德著重建

崇正橋在治西二十里桂通舖跨督橋右支清流河建置  
年代無考乾隆十一年補修

高土橋在治西十里跨清流河明建乾隆四十五年補修  
崇禎時烈婦李楊氏遇鄢寇投水死於此

高土橋弔楊烈婦

陳一津

一枝清豔菊花黃倒影疎籬傲晚霜橋上短兵橋下骨  
只今風起水猶香

善緣橋在治西北八里趙家碾跨清流河乾隆六十年建  
永定橋又名三仙橋在治西四里五賢坊跨清流河康熙  
三十一年重建雍正六年補修乾隆中三次補修嘉慶十  
四年重葺

永興橋在治西南三里羅家碾跨清流河乾隆二十六年  
建

繡川橋古名胭脂橋在治南二里跨清流河明萬歷中重  
建乾隆十七年補修嘉慶元年五年兩次補修

繡川橋閒步

邑進士張吾瑾石仙

金堂縣志

卷二 疆域

二十五

綠樹清流夾道輕烟幾處人家野老相逢未識班荆欸  
話桑麻

繡川橋垂釣

邑貢生李茂昭素山

朝曛入戶牖宴安不敢偷披襟理故業持竿溪上頭檢  
點無荒蕪僻靜尋清幽理絲上香餌停流下細鉤翠微  
忽低飛白小鷺羣游□□□□焉能蓄潛虬因憶任  
公釣高居垂全牛得魚震東海奮鬢蕩靈湫食可給萬  
人豈肯卑微謀卷絲捐灌瀆長嘯起羣鷗徘徊思遠舉  
忘却無朝羞

胭脂橋散步

邑庠 楊源

溪畔小橋橫風和步履輕  
短籬雙燕語深澗一鳩鳴  
楊柳扶烟醉桃花濯雨明  
行看春又去迢遞自多情

永濟橋俗名踏水橋在治東南五里跨清流河明萬歷中里人吳啟建嘉慶十五年重修

重修永濟橋記

邑令 謝惟傑兼三

邑城東南五里許有永濟橋溪流曲折由金鎖橋環繞培風塔始入大河山水明秀爲闔邑風脈所關前明萬歷己酉歲吳啟重建厥功甚偉迄今垂二百餘年坡岸

崩塌板石傾欹斷落河底近因橋之左右堰堤加高夏秋時洪水浩淼橋被漫淹往來仍須涉水人皆病焉余籃輿屢過觸目興懷每思集議而改建之惟以修聖廟及文昌祠工鉅事繁未暇及也適有邑紳陳錦星陳敬徽等欣然以重修爲請且將增築橋墩培高堤岸順形勢以求完美余嘉其謀實獲我心爲獎勵而促成之於是相度地勢輦石鳩工又得邑尉鄭君躬親董勸不憚煩勞能使輿情歡躍樂助爭先而陳敬徽等司事克勤工歸實濟甫匝月而橋已告成向之病涉者咸歌坦途

焉善哉舉乎庶幾永此橋以康濟此民乎工竣日將臚  
列捐貲姓氏紀美通津用秉筆書其巔末俾勒石以誌  
不朽云嘉慶十五年庚午三月記

金鎖橋在治東南八里觀紫山下乾隆三年重建十九年  
補修跨清流河入沱江

游金鎖橋

巫珍儒

淡白圍蘆絮疎紅映蓼花秋深溪影靜獨立夕陽斜  
福聚橋在治北十二里小寺跨天生堰水乾隆十七年重  
建

金堂縣志

卷二 疆域

二十七

鶴溪橋在治北十二里大寺跨天生堰水乾隆三十五年  
建嘉慶九年補修

公濟橋在治北十三里菱角塘跨天生堰水乾隆三十四  
年建

雙龍橋在治東北十五里八角廟建置年代無考嘉慶三  
年重修

鶴鳴橋在治東北五里梵音寺跨天生堰水乾隆六年建  
四十六年補修

積善橋在治東北五里跨天生堰水乾隆中里人曾順拔

建

上周濟橋在治東北十里金堂寺跨天生堰水明萬歷中里人何金輅建乾隆三十九年補修

下周濟橋在治東十里何家碾跨天生堰水亦何金輅建雙濟橋在治東十一里跨天生堰水入清流河建置年代無考乾隆十五年三十六年兩次補修嘉慶十三年重修桂華橋在治西六里跨東方堰水乾隆三十四年建添壽橋在治南五里跨東方堰水乾隆二十五年建觀音橋在治南五里楊家菴跨東方堰水乾隆中建

金堂縣志

卷二 疆域

二十八

綉水橋在治南五里綉水寺跨東方堰水八天生堰乾隆中建

興隆橋在治西十里徐家碾跨嚴家碾水乾隆十七年建迎水礮在治西南三里馮氏廟跨嚴家碾水明成化二年建

繡龍橋又名板橋在治南五里跨嚴家碾水八天生堰水建置年代無考嘉慶五年補修

步雲橋在治南七里淨音菴跨觀音橋水八天生堰水乾隆三年建

彭家橋又名桂秀橋在治北十五里跨興隆堰水乾隆二十六年建五十四年補修嘉慶八年重修  
太山橋在治北五里跨興隆堰水雍正年間建乾隆三十九年重建

修建太山橋記

邑令 白 濬 甸川

記不云乎兩山之間必有川焉大川之上必有涂焉若非長橋臥波則咫尺間隔往來者嘆修阻矣欣逢盛世不惟大江巨河均設舟楫卽淺流支派亦有橋梁橋之便於往來豈細故哉治北五里許有景峯山寺寺側

有河委蛇入境不計其程途也上有長連河下有古城河地異名殊由來已久而四時清流潺湲映帶村落居民便之獨此河爲新金兩邑通衢一遇夏秋之交望洋興嗟者固多中道回車者亦不少非河之弗便無橋故弗便耳住持僧覺寬發慈悲念開方便門慨然以募修爲衆倡而一時居者行者聞之亦莫不樂於布施於是鳩工匠鑿山石作橋以通兩岸高麗其形勢堅大其規模數月內創古之所無新今之所有用金一百有奇旣成名曰太山庶幾不騫不崩千秋鞏固豈特爲一朝一

夕計哉今而後不惟耕鑿士女不嗟厲揭之艱卽往來行人亦無停驂之虞矣非特此也運際

休隆世世游蕩平之道路時時有好善之人心皆將於斯橋兆其端而操其券也予故喜而爲之記雍正十二年

### 重修泰山礮記

邑舉人傅育賢曉亭

十月成梁王政之一端也輦巨石覓良材補康莊之缺陷以平斯人之險阻洵非易事也惟立志振興不憚煩劇糾合羣力以溥利濟使之經久而不敝則難而不見其難焉斯橋舊名泰山制實卑狹甫歷四十餘稔旋欹

### 金堂縣志

#### 卷二 疆域

三十

斜而就傾圮不惟驅車至者臨濟頓爲蹙額卽徒步者顧之亦怦怦心悸也若夏漲秋潦全橋胥遭湮沒兩岸之躑躅而欹歔者更不可勝計改作其容已乎寺僧紹曇蒿目者久之爰捐衣鉢之資購石爲板者六長各一丈六尺濶二尺厚一尺三寸以重建之權輿而吾鄉父老不辭艱辛力圖改作策衆驗金樂襄厥事遂鳩工庀材選良卜吉經始於乾隆癸巳之冬落成於甲午之春中構三棟棟濶六尺長一丈六尺泊岸構二棟濶猶中棟而長遜五尺其高適埒兩岸中尤屹然倘非人心樂

善不畏更造之難則從前之卑狹詎能如是之煥然改觀化險爲夷乎今斯橋之結體已縝密矣規模已崇廠矣卽遇洪波迅發動心駭目直恬然置諸履舄之下自茲以往往來行人問猶有蹙額者乎無有也問猶有心悸者乎無有也問猶有中途躑躅兩岸欹歎者乎胥無有也斯橋之爲功大矣哉吾因之有感矣天下事任其頽廢則爲累實多力爲改圖則其利甚溥獨一橋也乎哉橋其小焉者耳然則心切利濟不屑因陋就簡惻然以奠安斯人爲己任興利剔弊爲億兆祛其坎陷予以

蕩蕩平平之福亦如斯橋之化險爲夷焉豈特往來行人樂茲坦易乎時乾隆三十九年甲午歲

積善橋在治西北五里跨興隆堰水乾隆十九年建  
迴龍橋在治北四里跨興隆堰水建置年代無考乾隆二十年五十二年兩次補修嘉慶十三年里人黃開賜補修  
古城橋在治北二里跨興隆堰水康熙四十二年重建乾隆二十八年補修

古城橋口占

巫光笈

雨過晴郊翠欲環小橋春漲晝潺潺永和三月桃花水



流下城南十八灣

初夏古城橋卽事

楊源

傍晚城邊路田家事事忙輕風吹細雨幾樹小梅黃

拱北橋亦名薛家橋在治北二里跨興隆堰水康熙中重建有邑人張吾瑾撰記碑殘不可復識

薛家橋閒步

楊源

細雨紛紛踏落花垂楊一帶上栖鴉短橋游俠相逢處  
遙指青旗是酒家

擁金橋在治東二里毛家河跨興隆堰水雍正十年建乾

金堂縣志

卷二 疆域

三十二

隆二十一年補修

長安橋在治東二里陳家灣跨興隆堰水建置年代無考  
玉虹橋古名余氏橋在治東二里先農壇跨興隆堰水入  
清流河明嘉靖中里人余均建萬歷中知縣解天允更名  
乾隆三十三年邑紳蕭大綱重修

秋日偕陳卯生玉虹橋晚眺集古 楊澍

東臬薄暮望王績迢遞起層陰杜甫古寺滿修竹蘇軾悲風號

遠林朱子白雲生遠岫焦郁綠水激清音楊素萬籟此俱寂常建

蹉跎江海心謝朓

清明玉虹橋踏青 如夢令

風卷楊花亂舞幾處斷腸簫鼓翠袖惹芳塵郊外踏青  
游女無語無語惆悵夕陽芳渚

集古和楊逸青玉虹橋晚眺原韻 陳一津

我行本無事 蘇軾庭昏見野陰 顏延年夕霧蔽白日 陸游山風

吹空林 岑參明月澄清景 失名飛鴻響遠音 謝靈運於中還自

樂 李頎萬事不關心 王維

雙慶橋在治北五里新金界兩橋並建跨楊柳堰支水入  
興隆堰水乾隆四十年重修

金堂縣志 卷二 疆域 三十三

雙慶橋記 邑人 陳宜楷

是溪也派自楊柳堰廣不踰丈奇然聯金新而界之則  
里人賈子犇走上下於其間者蓋烝烝衆也舊有石橋  
二東西對峙僅里許遙望如雙虹卧波互相輝映憑眺  
者輒嘆爲奇觀但左屬新鄉右係金里舊碑雖存而橋  
經歲久日移洪波之所漂蕩車馬之所經歷亦殊傾圮  
不整矣兩邑居人蒿目者久之爰謀以泰山橋餘金分  
五十爲補修權興復募諸信善得銀百兩有奇鳩若工  
庀若材不越月而兩橋成而附近小橋且有因之而備

舉者焉其規模宏遠籌度周密無不較異於曩時蓋卽此以見時和年豐人民樂育雖分餘資亦共襄厥美也不然者將衣食奔命之不遑而何暇利濟是務哉允宜勒石以彰盛事顧道以功德不若詳其本末者之爲切也驚爲創建之易不若究其圖始維艱者之有裨勸勉也故畧序梗概於左以望後之有志於斯者彼牽車服賈之徒偃僂提攜往來而不絕則有目者無不共睹予故弗多贅云時乾隆四十年

隣封橋在治西北十五里牟家碾跨南村堰水乾隆四十

金堂縣志

卷二 疆域

三十四

五年建

立善橋在治西北十四里朱家廟跨南村堰水乾隆十七  
年建

方便橋在治西北十三里盧家營跨南村堰水乾隆二十  
一年建

玉帶橋在治西北八里耿家營跨南村堰水乾隆四十六  
年建

松順橋在治西六里文瀾堤跨南村堰水乾隆二十九年  
建

五桂橋在治西五里跨南村堰水建置年代無考

三汊橋在治西三里五賢坊跨南村堰水乾隆三十年建  
雙善橋在治西一里馬堰跨南村堰水雍正十二年里人  
吳傑建嘉慶十三年補修

餘金橋在治東北一里厲壇跨南村堰水乾隆五十二年  
建

遠濟橋又名花園橋在治東北一里跨南村堰水八興隆  
堰水乾隆十八年建嘉慶十五年重修

牟家橋又名福星橋在治北十里蔡家碾跨上馬棚水乾

金堂縣志

卷二 疆域

三十五

隆三十四年建嘉慶十一年補修

拱翠橋在治北六里白家營跨上馬棚水雍正十三年建  
乾隆三十四年重修嘉慶十二年補修

申家橋在治北五里跨上馬棚水雍正四年建乾隆二十  
九年重修嘉慶四年補修

天順橋在治北五里老馬堰跨上馬棚水乾隆二十一年  
建四十三年補修

仁義橋俗各雷打橋在治東北七里跨上馬棚水乾隆二  
年建三十二年補修

太平橋在治東北三里跨上馬棚水八興隆堰水雍正十年建乾隆三十一年補修

永正橋在治西北十二里福興菴跨督橋左支長寧河乾隆十三年建

陳家橋在治西北六里高家碾跨長寧河乾隆十年建

穿城橋在治西北三里拍手廟跨長寧河八南村堰水乾隆五十二年補修

新金橋在治西北二十里桂通舖跨白螺泉水乾隆八年建嘉慶元年重修

金堂縣志

卷二 疆域

三十六

雙建橋在治西北十八里雙廟祠跨白螺泉水乾隆八年建

萬人橋在治西北十八里嚴張廟跨白螺泉水乾隆十一年重建

訪友萬人橋

邑舉 陳一泐 竺山

春風拂面柳花飛小步空林翠濕衣欲問隱君忘姓字  
萬人橋下打魚歸

中興橋又名何家橋在治西北十五里跨白螺泉水乾隆十二年建二十年補修

玉麟橋在治西十五里鍾家灣跨白螺泉水乾隆十七年  
建

青龍橋在治西十二里跨白螺泉水入沱江建置年代無  
考乾隆三十六年補修

通省橋在治西十二里康家渡跨呂公堰水入沱江乾隆  
三十二年建

樂善橋又名遇仙橋在治東北十五里向家碾跨上馬棚  
支水建置年代無考嘉慶十三年重修

萬安橋在治東十五里因萬安鄉得名舊在渡所後爲水  
金堂縣志

卷二 疆域

三十七

圮移修於此跨上馬棚支水乾隆四十一年建

平成橋又名慶成橋在治東十七里雷打灘跨上馬棚支  
水入湔江乾隆十年重建嘉慶六年補修

順天橋在治西南二十里范家場跨開堰水明崇禎十七  
年建嘉慶九年補修

上方橋在治西南二十一里藏殿寺下跨開堰水乾隆三  
十七年重建

康家橋在治南二十里康家碾跨開堰水建置年代無考  
雙濟橋在治南十九里倒流水跨開堰水乾隆五十七年

建

韓家橋在治南十八里韓家碾跨開堰水建置年代無考  
殷家橋在治南十七里殷家山跨開堰水嘉慶元年建

偕舍弟卯生殷家橋閒步

陳一泐

水竹園林小有天一村風景太平年人行密藻圓沙外  
春在空江遠市間

普利橋在治南十七里壽尊寺跨開堰水乾隆三十九年  
建

上永興橋在治南十六里紅瓦店下跨開堰水乾隆四十

金堂縣志

卷二 疆域

三十八

九年建

樂善橋在治南十七里張家店下跨開堰水乾隆二十三  
年建

下永興橋在治南十八里亭子壩跨開堰水乾隆四十八  
年建

歐家橋在治南十六里歐家碾跨開堰水入沱江建置年  
代無考

華封橋在治南十里華家廟跨開堰支水黃家溝入沱江  
乾隆五十三年建

理方橋在治南十一里徐家營跨開堰支水文家溝入沱江乾隆五十九年建

廣濟橋俗名卷洞橋在治南十三里跨石龍堰水明崇禎十七年建乾隆二十二年重修

永渡橋在治南十二里跨石龍堰水乾隆四十二年建嘉慶八年重修

卿家橋在治南十一里頭堰跨石龍堰水建置年代無考  
廣善橋在治南十二里頭堰跨石龍堰水乾隆四十五年建

金堂縣志

卷二 疆域

三十九

下韓家橋在治南十三里二堰跨石龍堰水建置年代無考

太平橋在治南十三里三堰跨石龍堰水乾隆四十年建  
龍文橋在治南十三里四堰跨石龍堰水建置年代無考  
嘉慶九年補修

彭公橋在治東南十四里跨石龍堰水建置年代無考嘉慶八年重修

杜公橋又名楊柳橋在治東南十四里杜家巷跨石龍堰水入沱江建置年代無考



杜公橋感事

邑進士 陳鈞 陶萬

日暝風微乳雉驕尙書門巷久蕭條春來一帶垂楊柳  
只送行人過野橋

石闕峻嶒已半摧舊時風景水西隈平生不是無佳傳  
兩度兵戈動地來

西江橋在治南二十五里中跳墩跨西江河嘉慶八年建  
鎮江橋在治南十三里跨西江河入沱江建置年代無考  
乾隆中四次補修

萬壽橋在治南五十里金簡界跨溪水乾隆四十六年重

建

金堂縣志 卷二 疆域

四十

重修萬壽橋記

陳鈞

簡之北陞金之南界有溪焉坎峻而水小古無遺梁冬  
春之季行人縋井而下扳崖而上溪則一躍而可過獨  
難乎夏秋之間天降時雨洪波激湍不可以飛渡吾不  
知古之人臨流而歎者幾千萬萬矣卽或架木爲梁而  
危險驚心矧其存亡去留莫可稽測哉

國朝來地運重光百餘年間戶口繁盛田園竹木彌望青  
蒼周數百里之內市鎮環列絡繹往來殆無虛日山川

風景未知於古何如而與往時所見迴望雲烟迥乎不  
侔矣斯時年穀豐登戶多餘積數十年間始建石橋遠  
近行人履若坦途歌謠功德者又不知幾千萬萬矣然  
而三建而三毀越數千金而不能垂久其故何哉蓋地  
界兩山之間上多泥塗下鮮砂石溯流窮源環百餘里  
耳而夏雨滂沱汪洋浩瀚總於此爲尾閭入之也迅出  
之也奔而橋不能當其衝勢使然也往六月中霖雨連  
綿風雷迅烈而又圯焉行者不能越居者不能安徒坐  
嘆哉然而里多善人無不集福者爰會羣公歛金千百

而更新之少遷其處而勢若緩焉轉方爲圓而洞斯曠  
焉不數月而功復成余家雖近而寄跡潼江若杳渺者  
近得鍾君霖書而始聞之是何興復之不憚煩抑有鬼  
神於其間乎蓋嘗驗之天人之際徵之物理之微能平  
造物之憾者必享安寧之福今試觀一鄉中家鮮孝友  
人無善良機巧變詐慳吝成風一石之礙不爲除一葦  
之航不爲置過其間者咸詬詈焉則其鄉必多災稔疫  
癘螟螣蟲賊之應又試觀一鄉中戶皆慈順人盡雍和  
慷慨好施惠澤及人一步之險必平之一跬之傾必□

之過其間者咸頌禱焉則其鄉必多豐腴潤澤吉祥善慶之報此何故哉蓋人事之修悖卽天道之從違有鬼神以司之昭然而不掩也况夫出一己之私以濟人者蔭及其家而已合十百人以成功者則人皆有其全德非獨一人一家之慶也昔者大舜取天下之善以爲善卽合天下以爲善則合衆人之貲以成功卽合衆人而各有其功斯不亦所出者少而所得者多歟而吾尤獨難乎三毀而三成之力不倦而工彌固由茲以往吾知橋名萬壽於是乎垂之不朽而人亦若盡忘此地之有

此溪也而人又若如知此溪之有此橋也已時乾隆四十六年辛丑元日

柏順橋在治南四十里瘳家場跨三州水乾隆中重建

接雲橋在治南三十七里跨三州水乾隆中建

上八仙橋 中八仙橋 下八仙橋俱在治南三十里跨

三州水俱乾隆中建

慶元橋在治東南四十里跨三州水八沱江乾隆中建嘉

慶十五年補修

永樂橋在治東三十二里跨海螺河乾隆二十四年重建

修永樂橋記

傅育賢

儒尙誠篤釋貴虛無由來舊矣自釋道大行世之托跡空門者咸有事於清淨寂滅誰則以濟人利物爲兢兢哉獨三學前菴僧慧霞則大不然余自乾隆戊寅來游前菴道經乾溝有橋屹然橫於水面宛然長虹之臥波詢之里人僉曰山僧慧霞所拮据以成者也由乾溝八山口則石徑長鋪如鱗布砥平往來不艱於跋涉復詢之里人僉曰山僧慧霞所胼胝以就者也及晤慧霞余甚取其修建之功而慧霞獨感然有憂色余叩而問之

慧霞慨然曰乾溝之橋雖備而海螺河之橋尙缺此吾所日夜殷憂者也居無何而慧霞黎明下山抵暮始還問其何爲則曰惟橋之故至明日而復然更歷明日而仍然如是者數越月勞形瘁體辛苦備嘗而橋始告成焉憶余十年前曾硯耕於中江由乾溝歷海螺河假道於三學山下其時橋梁未設道路崎嶇往來行人恒多躑躅今乃彩虹跨波砥石載道中途之險阻於焉悉平非慧霞之不憚辛勤曷克臻此嗟乎世之托跡空門者多矣第見其飽餐饅頭靜坐禪室已耳以慧霞視之其

賢不肖何如也至其建萬佛懺與藥師壽佛諸會勞勞攘攘九年於斯其事雖幻其勞倍劇亦可見慧霞之不自暇逸也已余嘉慧霞之勤劬而多其濟人利物之功因其丐序於予遂爲之述其始末以傳不朽並以示世之托跡空門者乾隆二十四年己卯歲

黃連橋在治東三十二里跨海螺河入沱江乾隆中重建  
觀音橋在治東六十里石廟子下跨溪水入梧桐堰水乾隆中重建

新橋在治東七十五里圓覺寺跨梧桐堰水乾隆中建

金堂縣志

卷二 疆域

四十四

金龍橋在治東七十五里跨梧桐堰水乾隆中建

積善橋在治東七十五里跨梧桐堰水乾隆中建

聯登橋在治東九十里跨梧桐堰水乾隆中建

平水橋在治東六十里孫家堰跨梧桐堰水入沱江乾隆中建

豐隆橋在治東七十里跨三汊河明萬歷二十三年建乾隆中重修殘碑磨滅不可復識

長石橋在治東一百二十里跨三汊河明萬歷中建碑字磨滅不可復識乾隆中補修

樂濟橋在治東一百二十里跨三汊河建置年代無考乾隆中重建

松茂橋在治東一百三十里跨三汊河建置年代無考乾隆中重建

觀音橋在治東一百三十里跨三汊河建置年代無考

踏水橋在治東一百四十里跨三汊河乾隆中建

倒石橋在治東一百四十五里跨三汊河康熙中建

永濟橋在治東一百四十五里跨三汊河明萬曆十三年建

金堂縣志

卷二 疆域

四十五

黃金橋在治東一百四十五里鳳凰寺跨三汊河建置年代無考

望鶴橋在治東一百五十里白鶴嘴跨三汊河嘉慶中里人李永謨建

老新橋在治東一百六十里跨三汊河建置年代無考乾隆中重修

新新橋在治東一百七十里金簡界跨三汊河至資陽縣入沱江康熙中建乾隆中補修

鯉魚橋在治東南八十里懷口鎮下跨鯉魚溪入沱江明

宏治中建

金水橋在治南七十五里跨溪水入沱江

永利橋俗名王官橋在治南六里明萬歷中邑人王傑建  
迄今河已改徙無復水阻矣

永利橋記

明王傑

余嘗登眺江干見里人賈子犇走上下於江之濱者未嘗不烝烝衆也然江勢蜿蜒逶迤泓渟萬頃每歲時雨大至輒澎湃瀾漫里中民乘高危望南岸爽塏咫尺不得渡鄉人咸苦之率以爲請曰是不可無橋以濟然錙

金堂縣志

卷二 疆域

四十六

聚銖歛甲前乙却計於事罔克就余自分綿力不能效大丈夫宏濟一世而目覩艱涉之衆竊凜凜憂之度若工經若費罄吾橐聊可辨若事又何靳千金貲不以爲百世利耶於是捐甌中金百數鳩工而營之議不勤公府費不煩里閭採石於山價勿問幾何倩力於衆傭勿問幾何旦而督暮而課夜則持籌而計不越月而橋且告成矣橋成而策駟者荷擔者擊跼婆娑偃僂提挈往來而不絕者咸得是橋焉以濟百世而下江流之襟帶不改溴梁之嶽立不磨則此橋之宏濟我鄉人者亦□

不朽余當成之會固幸今之底厥績尤冀後之恢厥緒以勿實吾志也於是乎記明萬歷某年

隄 文瀾隄 在治西七里俗名鵝項頸因其兩水夾流中僅丈許也爲上省通衢夏秋水齧頽毀無常先係砌石年代已不可考乾隆中里人黃仲堯重修嘉慶初復經大水坍塌愈甚繞道行者數載十四年知縣謝惟傑倡捐修砌梅椿坡岸盡下鉅石隄長二百餘尺寬八尺高六尺工成建坊隄上改額今名董其事者典史鄭蘭及邑紳陳錦星王世溶吳有光陳德蘊張學禮

金堂縣志

卷二 疆域

四十七

秋夜文瀾隄閒步

漢州 庠生 戴維元 伯乾

兩岸蘆花白長空月影明誰吹大隄曲風過萬波生

自新繁之金堂過文瀾隄偶吟

潼川 人 楊必緒 青畚

路出繁江此處過長隄吟望意如何羣鷗結隊眠幽浦  
兩水分流漾碧波矮屋緣溪勞犬吠殘霞落岸比雲多  
漁翁晚唱秋風曲柳外夕陽臥綠蓑

遠山羅列一村村近水林塘暮鳥喧天際雲烟籠樹草  
田家婦女喚雞豚閒情放浪沈清賞客路迢遙思故園  
斜架板橋幽竹裏誰從月下掩柴門



春日游文瀾隄

邑庠 巫光笈 七雲

閒步小橋西春花樹樹齊綠楊初過雨溝水暗侵隄細  
浪看逾好平疇望欲迷偶逢田父至相與話耕犁

秋日過文瀾隄

邑庠 楊源 臥山

烟水蒼茫一望齊夕陽欲下小橋西涼風昨夜生秋浦  
吹散蘆花白滿隄

月夜文瀾隄閒步

邑庠 胡成玉

曾向清波想逝川每依秋色愛迴湍一塵不動天連水  
萬籟無聲客倚闌高樹未驚元鶴夢斷橋長記少年歡

金堂縣志

卷二 疆域

四十八

謝公詩酒隄邊月一樣風流仔細看

游文瀾隄

邑人 李勳 敬亭

溪水迢迢夾岸來無邊秋色水西隈蘆花十里明如雪  
露冷風清坐石苔

前題

邑庠 陳順琛 雙玉

微風吹綠皺粼粼夾岸花開不動塵行過小隄春水曲  
柳陰一半打魚人

前題

邑庠 陳順玠

蜂爭粉蕊蝶爭香小步隄邊也自忙最是東風忒多事

吹將柳絮送斜陽

前題

邑人 胡光玉

長堤偃裊憶平湖暮色蒼然酒未沽  
兩岸綠楊遮客渡  
一灣芳草護官衢閒閒小步秋光好  
淡淡微波月影孤  
最是臨風倍惆悵此身應已在冰壺

前題

邑人 陳學海

秋光淡淡拂迴瀾攜酒追陪盡日歡  
幾度歸鴻雲欲靜  
一聲長笛夜初闌蒹蘆洲畔西風細  
楊柳溪頭白露寒  
隄上月明隄下水也須吟向句中看

金堂縣志

卷二 疆域

四十九

文瀾隄晚歸

邑人 陳心敏

雨中楊柳樹花外海棠樓鬪草歸來晚  
雙江帶月流

秋夜過文瀾隄

邑人 陳順時

長隄如帶互西東露濕蘆花兩岸風  
夜夜雙溪流不盡  
一輪明月正當中

柳溝隄 在治南河岸地勢窪下築之以禦水患

春日柳溝隄偶成

邑人 陳心朗

一抹濃烟繞水西江干晴樹子規啼  
踏春無計隨遊興  
十里芬芳逐馬蹄

隔江風過雨初晴路欲迷時柳徑行載酒尋春漫歸去  
斷橋流水晚烟橫

風俗

按一縣之地絕長補短不過百里平疇衍沃密邇成都何  
風俗之異之有其或有異亦微焉耳茲於省志之大同小  
異者摘錄簡端以覘其概

民食魚稻無凶年憂

漢志

周文王之化被乎江漢之間秦豳同詠故有夏聲

華陽國志

風雅英偉之士命世挺生

同上

金堂縣志

卷二 疆域

五十

人多工巧綾錦雕鏤之妙侔於上國

隋志

巴蜀之人少愁苦而輕易蕩佚

通典

地大而腴民勤耕作無尺寸之棄歲三四收

宋志

漢景帝時文翁爲蜀郡守建立學校自是蜀士學者比齊

魯焉

文獻通考

家有鹽銅之利戶有山川之材居給人足以富相尙

史逸

化杜宇之教而力農務

同上

古蠶叢之國其民重蠶事故國中二月望日鬻花木蠶種

號曰蠶市

舊通志

文翁治化猶存南軒道教尙在同

詩稱文王之化行於上國江漢之間實漸被之然則蜀土之淳風有自來矣其未列於十五國中者或以其附見於二南非畧之也厥後文翁之教育武侯之政治後先接踵

俗稱近古通志

蜀雖邊徼地秀者服詩書之澤樸者安耕鑿之常孝弟力

田敦本務實同上

俗樸民淳文風亦駸駸日盛通志內載此二語云出金堂志今已失傳無可考矣

禮俗 明以前無可考

金堂縣志

卷二 疆域

五十一

國朝平定以來人雜五方家鮮土著父兄或遵其舊制子弟或變爲時宜既不能一律尤未易縷分特述其大畧於此

冠禮古者男子二十而冠女子十六而笄今已久廢不行士大夫家惟於婚之前一日具香燭牲醴父兄命新婚之子弟服新冠帶衣履率以告廟猶古法之遺也至女子則國初猶以髻髻相分別名曰倒髻髻亦曰觀音髻及臨嫁上梳始改爲蟠龍髻以從婦人之制今則短髮猶覆額已無不梳蟠龍髻者矣其處女婦人之分只於額髻間女子

下垂婦人上攏爲不同耳

婚禮五方之民各從其俗然併古六禮爲三禮自宋已然  
今雖貧窶之家猶必守之無敢或墜始結兩家之好則書  
男女之生年月日於帖謂之鸞書副以首飾布帛雞魚肉  
酒之類命媒氏送之女家女家亦以冠履筆札之類相答  
報此卽納采問名之遺也今謂之插定亦曰插花次則有  
報期之禮擇吉已定或先一年或先數月書吉期於帖副  
以鍼縷布帛果餅肉酒之類命媒氏送之女家女家亦以  
鍼黹女紅之類相答報此卽納吉納徵請期之遺也及期

金堂縣志

卷二 疆域

五十二

則有周堂之禮夫家備彩輿儀從冠帔肉酒之屬擇親戚  
之福壽賢德者男婦各一二人隨媒氏往迎女家則以其  
女之妝奩服飾器用爲嫁資謂之陪奩亦曰嫁裝亦擇親  
戚男婦或女子之兄弟姑嫂各一二人送女過門夫家尊  
之謂之上親亦曰上客欸待從厚周堂禮畢命二人執燭  
前行新郎導新婦入房飲合巹酒而出此卽親迎廟見之  
遺也

喪禮俗以家禮爲法小斂大斂成服奠祭安葬除服諸大  
端無敢或異其祭七七期諷經展奠雖不合於禮亦傳

之久遠可無廢也葬無定時貧者多數日而葬謂之乘凶葬諸事無所忌葬三日而上冢謂之復山清明掃墓新墳不過社日

祭禮俗多建祠堂蓋古人廟制之遺每以冬至前後用羊豕酒饌合族人而祭其祖先祭畢則鋪筵設席老幼聚讌盡一日之歡其他於祖父生辰忌日及歲時伏臘亦多有牲饌之祭或在家堂或在宗祠或在墳墓各從其宜

讌會婚嫁前一夕夫家之親友同行輩者設酒果壺榼於庭請新郎冠帶交禮答拜畢引之上座親友陪讌盡歡而

散謂之花燭讌女家之親友同行輩者亦設酒果壺榼於庭請新娘梳妝交禮答拜畢引之上座親友陪讌盡歡而散謂之花夜讌蓋花燭所以賀房花夜所以餞別也至日女家遣嫁有出閣讌夫家娶婦有盤兒讌親友畢賀其明日新婦出陪奩所攜鹹菜饘食遍待親友曰擺茶讌有三朝女家接回門設回門讌者有十朝女家眷屬來夫家設十朝讌者生子三日邀客有洗三讌匝月有湯餅讌周歲有抓周讌六十以上生日會客曰壽筵初婚曰喜筵凡吉凶事親友釀金以助分年增息償還謂之打會單爲凶事

者又謂之孝義會俱極便於貧民而於富貴者亦無所損  
正月上元有試燈讌八月中秋有賞月讌今俗又有春酒  
讌彼此往來互相酬酢洽鄉情聯梓誼固未可以徵逐言  
也

時序 歲時元旦長幼夙興牲醴粬糗衣冠以祀神及其  
祖先向尊長慶節元夕接竈作燈市二日以後上冢分拜  
戚里隣友相爲飲食至上元日始已 初五日謂之破五  
勤苦家子弟於是各理其業 初七日謂之人日詩書子  
弟多於郊外閒眺是日宜晴人則不病 初九日謂之上

金堂縣志

卷二 疆域

五十四

九士女皆各尋職業以爲歲始取其可以長久也 十五  
上元爲燈會十四日起十六日止鼓吹喧闐士女踏燈嬉  
游謂之走百病富貴家或設燈讌作燈謎爲商燈之戲  
立春節士女多郊游却病晴則宜農 雨水節宜雨  
二月初二日作文昌會以新進生員爲會首一年歲學一  
年科學一年武學遞相輪換 十六日爲火神會 十九  
日爲觀音大士生日縣民多詣佛寺進香 驚蟄節宜雷  
人則不病宜寒則早秧不損 春分節宜晴 春社日村  
民皆祀青苗土地

三月初三日及清明節士女多攜壺榼祀先展墓或爲踏青之游婦女貼勝於髻名柳葉符 擇吉日各鄉鎮俱爲清醮會民皆齋戒沐浴禁屠宰設瘟火壇於所近祠廟朝夕進香會畢以龍舟送至江岸焚之 十八日爲痘痲娘娘會 二十日爲送子娘娘會 二十三日爲天后聖母會 二十八日爲東岳會 清明節宜晴 穀雨節宜雨 四月初八日爲浴佛會 二十八日爲藥王會 立夏節宜雨 小滿節宜雨二節有雨則年穀熟

五月初五日爲龍舟會士女皆泛菖蒲雄黃酒懸蒲艾於門以辟邪親友咸以角黍相餽遺近水居民則爲龍舟競渡相傳屈原以是日沈江故爲角黍龍舟以弔之 十三日爲關帝會 二十八日爲城隍生日鄉鎮士女駢集喧闐市爲之哄 芒種節農皆插秧 夏至節後辰日分龍是日雨所至處後輒多雨

六月初六日爲鎮江會 十九日爲觀音大士成道日縣民多至佛寺進香 二十三日爲雷祖會 二十四日爲川主會

七月初七日爲土地會是夜爲七夕富貴家女子有效乞



巧之戲設瓜果之饌於庭者 十五日中元節祀先□□  
寺僧設齋禮經放戒施水燈爲盂蘭盆會 二十二日爲  
財神會 立秋日不宜聞雷

八月十五日中秋節富貴家士女陳餅餌瓜果爲賞月讌  
白露節宜晴則收斂以時

九月初一至初九日爲九皇會鄉民齋戒惟此爲最 初  
九日爲重陽節宜晴好事者具菊酒佩萸囊以登高 十  
三日爲關帝會 十九日爲觀音大士會

十月初一日爲牛王會鄉村農家以米粢懸牛角而勞苦

金堂縣志

卷二 疆域

五十六

之凡租於人者亦以是日取回蓋自明時已然人家墓祭  
或祠祭必具楮帛謂之送寒衣 十五日下元佛寺作水  
宮解厄醮 立冬節宜晴則牛馬不凍

十一月初十日爲城隍夫人生日縣民皆詣廟進香諷經  
演戲 十九日爲太陽會 冬至節居民多以是日祀其  
先祖

十二月初八日以諸穀菽煮粥食之曰臘八粥 二十四  
日掃舍宇燃鍋燈以飴糖祀竈送神上天亦有用二十三  
日者 除夕以牲醴祀先祖分年飯雖猫犬不遺換桃符

貼金勝凡門巷器用皆黏楮錢儲水度可二三日用掃除  
必潔入夜篝燈聚飲圍爐守歲鳴爆竹燒蒼朮以辟不祥  
於是少者賤者向尊長行辭歲之禮